

29. oktober

UKA2018/162

**Kalaallit Qallunaat Nunaanni ilinniagaqartut ineqarnikkut amerlanernik periarfissinneqarnissaannut Naalakkersuisut pisariaqartitsinermik inissanillu amerlanernik pissarsisinnaanermik misissuinissamik peqquneqarnissaannut Inatsisartuni aalajangiiffigisassatut siunnersuut.**

Inatsisartuni Inuit Ataqaatigiit sinnerlugit ilaasortaq Mimi Karlsen siunnersuutaa imaattumik Siumut sinnerlugu akissuteqaateqassuunga.

Danmarkimi kalaallit ilinniartut kollegiassaaleqisarnerat ukiuni arlalinni oqaluuserineqartarpoq soorlu 2014-imi Siumut Atassullu taamaattumik siunnersuuteqarnikuusut. Ajonaluartumilli siunnersuut ulloq manna tikillugu sulii piviusunngortinneqanngilaq.

Nunatsinni kalaallit ilinniartuorsimasut amigaatigaangut nalunngilarpullu ilinniakkat ilarpassui pisariaqartitagit nunatta avataani taamaallat tiguneqarsinnaasut.

Kollegiassaaleqineq qaangerniarlugu qujanartumik Danmarkimi kommunit ilai namminneerlutik Kalaallillu Illui suleqatigalugit iliuuseqartarput kalaallinut ilinniartunut assut iluaqutaasumik soorlu Aalborg aamma Odense assersuutitut taaneqarsinnaapput. Maannali kollegiassaaleqinermi ajornartorsiorfiunerpaaq tassaavoq København. Ilinniakkat ilai taamaallat Qallunaat Nunaata iluani Københavnimi tiguneqarsinnaapput.

Kalaallit Danmarkimut ilinniariartartut minnerunngitsumik ilinniartut Københavnimiittussat inissaminnik kollegianilluunniit amigaateqartarput. Tamanna qaangerniarlugu ukiuni kingullerni Namminersorlutik Oqartussat ukiut tamaasa 1 mill. Kr.-ninik aningaasaliissuteqartarnikuupput iluatsiffeqanngitsumilli. Tunniutiinnassanngilagulli, kalaaleqatigut Københavnimi ilinniartut kollegiaqarnissaat qulakkiissagutsigu annertunerusumik iliuuseqartariaqarpugut.

Taamatut oqaaseqarluta siunnersuut ataatsimiititaliamut susassaartumut oqaluuserineqarlunissaa innersuupparput.

Doris Jakobsen Jensen